


СИРДАРЁ ВИЛОЯТ АДЛИЯ

БОШКАРМАСИНИНГ

2015 йил «22» декабр даги

677 - сонли Қарори билан қайта

РУЙХАТДАН УТКАЗИЛДИ



«YO'LREFTRANS»

Аксиядорлик жамияти акциядорлар

Умумий йиғилиши Қарори томонидан

2014 йил 24 декабрда

«ТАСДИҚЛАНГАН»

«YO'LREFTRANS»
Aksiyadorlik Jamiyatining
УСТАВИ
(ЯНГИ ТАХРИР)

2015 йил

1-МОДДА. ЖАМИЯТ НОМИ, ЖОЙЛАШГАН ЕРИ, ФАОЛИЯТ ЮРИТИШ МУДДАТИ

1.1. Жамият номи

1.1.1. Тўлиқ номи:

- ўзбек тилида: «YO'LREFTRANS» Aksiyadorlik Jamiyati;
- рус тилида: Акционерное общество «YO'LREFTRANS»;
- инглиз тилида: «YO'LREFTRANS» Joint-Stock company.

1.1.2. Қискартирилган номи:

- ўзбек тилида: «YO'LREFTRANS» AJ;
- рус тилида: АО «YO'LREFTRANS»;
- инглиз тилида: «YO'LREFTRANS» JSC.

1.2. «YO'LREFTRANS» акциядорлик жамияти (бундан буён - Жамият) Ўзбекистон Республикасининг 1991 йил 19 ноябрдаги “Давлат тасарруфидан чиқариш ва хусусийлаштириш тўғрисида”ги қонунига, Ўзбекистон Республикаси Вазирлар Маҳкамасининг 2001 йил 3 мартдаги 108-сонли ва 9 мартдаги 119-сонли қарорларига, Ўзбекистон Республикаси Давлат мулки қўмитаси 2002 йил 9 июлдаги 198 к-ПО -сонли буйруғига асосан “Ўзбекистон темир йуллари” ДАТК тизимидаги “Доррефтранс” корхонаси асосида қайта ташкил этилган.

1.3. Жамиятнинг жойлашган ери ва почта манзили: Ўзбекистон Республикаси, 108400, Сирдарё вилояти, Сирдарё шаҳар, Гулистон кўчаси, 351 уй.

1.4. Жамиятнинг электрон почта манзили – reftrans@umail.uz

1.5. Жамиятнинг фаолият муддати чегараланмаган.

1.6. Жамиятнинг расмий веб-сайти: www.reftrans.uz

2-МОДДА. ЮРИДИК МАҚОМИ

2.1. Жамият юридик шахс бўлиб ҳисобланади ва ўз фаолиятини Ўзбекистон Республикасининг амалдаги қонун ҳужжатлари ҳамда мазкур Устав асосида амалга оширади.

2.2. Жамият ўз мустақил балансига эга, белгиланган тартибда Ўзбекистон Республикаси ҳудудида ва ундан ташқарида банкларда ҳисобварақалари ва бошқа турдаги ҳисобварақалар очади, фирма номи давлат тилида тўлиқ ёзилган ҳамда жойлашган ери кўрсатилган юмалок муҳрга эга. Муҳрда бир вақтнинг ўзида фирманинг номи бошқа исталган тилда ҳам кўрсатилиши мумкин.

2.3. Жамият ўзининг номи ва жойлашган ери ёзилган штамп ва бланкаларга, ўз тимсолига, шунингдек белгиланган тартибда рўйхатдан ўтказилган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

2.4. Жамият юридик шахс бўлиб, у ўз мустақил балансида ҳисобга олинadиган алоҳида мол-мулкка, шу жумладан ўзининг устав фондида (устав капиталига) берилган мол-мулкка эга бўлади, ўз номидан мулкӣ ва шахсий номулкӣ ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

2.5. Жамият давлат рўйхатидан ўтказилган пайтдан эътиборан юридик шахс мақомига эга бўлади.

2.6. Жамият ўз мажбуриятлари юзасидан ўзига тегишли барча мол-мулк билан жавобгар бўлади.

2.7. Жамият ўз акциядорларининг мажбуриятлари юзасидан жавобгар бўлмайди.

2.8. Жамият давлат ва унинг органлари мажбуриятлари юзасидан жавобгар бўлмайди, худди шунингдек давлат ҳам жамият ва унинг органларининг мажбуриятлари юзасидан жавобгар бўлмайди.

2.9. Жамият филиаллар ташкил этишга ва ваколатхоналар очишга ҳақли. Улар жамиятнинг кузатув кенгаши томонидан тасдиқланган низом асосида иш юритади.

2.10. Жамият акциядорлик жамияти ёки масъулияти чекланган жамият шаклидаги шўба ва тобе хўжалик жамиятларига эга бўлиши мумкин. Жамият ва шўба хўжалик жамияти ўртасидаги муносабат шўба хўжалик жамияти шартномаси ва (ёки) низоми асосида бошқарилади.

2.11. Жамиятни қайта ташкил этиш ва тугатиш қонун ҳужжатларида белгиланган тартибда қарор қабул қилинган пайтда амалга оширилади.

3-МОДДА.

ЖАМИЯТ ФАОЛИЯТИНИНГ МАҚСАДИ ВА СОҲАСИ

3.1. Жамият фаолиятининг асосий мақсади даромад олиш ва моддий аҳволни, меҳнат жамоаси аъзоларининг ижтимоий-маиший шароитини, Ўзбекистон Республикаси иқтисодиётининг ривожланишини яхшилаш.

3.2. Ўз фаолиятининг мақсадига эришиш учун жамият қуйидагиларни амалга оширади:

- халқ хўжалиги, фирмалар, хусусий шахслар юқларини ташишни ташкил қилиш, ҳукуматлараро шартномаларга мувофиқ давлат учун зарур бўлган тез бузиладиган юқларни ташишни тезкорлик билан имтиёзли суратда амалга ошириш, ҳамда олинган фойдани жамият иқтисодий манфаатлари ва унинг меҳнат жамоаси ижтимоий манфаатлари йўлида ишлатиш;
- ҳаракатдаги состав барча турлари улар боғламлари ва агрегатларининг жорий, депо ва капитал таъмирлаш;
- эҳтиёт қисмлар ва халқ истеъмоли молларини ишлаб чиқариш, аҳолига маиший, коммунал ва транспорт хизматлари кўрсатиш;
- шахсий ва банд бўлган молиявий маблағлар ҳисобига товарлар, ишлар ва хизматлар бўйича экспорт-импорт операциялари;
- молиявий, воситачилик фаолиятини амалга ошириш, шу жумладан савдо-воситачилик ва савдо-сотиғ;
- юқ ташишни режалаштириш;
- фирмалар, савдо уйлари, концернлар, акциядорлик жамиятлари, масъулияти чекланган жамиятлар, барча мулк шаклларидаги қўшма корхона ва ташкилотлар ташкил қилиш ва ишлашини йўлга қўйиш бўйича сармоялар киритиш фаолияти;
- маркетинг, консалтинг, ахборот-ҳисоблаш хизматлари;
- рефрижераторли секциялар ва бошқа юқларни назорат қилиш ва кузатиб бориш бўйича хизматлар кўрсатиш;
- ҳар қандай махсус асбоб-ускуналарни ишлаб чиқариш, таъмирлаш, сотиш ёки ижарага бериш ҳамда асбоб-ускуналарни таъмирлашда техникавий маблағларни ишлатиш;
- ер участкалари ва омборхонага мўлжалланган хоналарни ижарага олиш ва бериш, ташкилотлар, фирмалар ва хусусий шахсларни юқлари сақланишини кафолатлаган ҳолда омборхона учун мўлжалланган хоналар билан таъминлаш хизматлари кўрсатиш;
- тижорат бўйича хизматлар кўрсатиш, шу жумладан Ўзбекистон Республикасидаги амалдаги қонунларга зид бўлмаган ҳолда турли хил нашрлар ва варақланадиган китобчалар, рисоалар ҳамда бошқа нашриёт маҳсулотларини тарқатиш;
- юқларни декларациядан ўтказиш, суғурталаш, жўнатиш, кузатиб бориш ҳамда кўриқлашни ташкил қилиш;
- мустақил ташки иқтисодий фаолият;
- давлатлараро ва маҳаллий йўллар йўналишлари бўйича юқларни жўнатувчилар ва қабул қилиб олувчиларга транспорт-экспедиторлик хизматлари кўрсатишни амалга ошириш ва ташкил қилиш;
- жамият филиаллариаро муносабатларни таъминлаш ва улар фаолиятини координациялаш;
- юқларни омборхоналардан жўнатиш ва қабул қилиб олишни ташкил қилиш;
- пуллик ўқитиш курсларини ташкил қилиш;

• турли хил ишлаб чиқариш чиқиндилари, иккиламчи хом-ашё ва маншай чиқиндиларни ярим тайёр махсулот ҳамда тайёр махсулот сифатида йиғиш, сотиб олиш, қайта ишлаш ва сотувга чиқариш;

- тижорат ва савдо фаолияти;
- маркетинг, агентлик ва бошқа хизматлари кўрсатиш;
- товар-материал бойликларни ярмаркалар, ким ошди савдоси оркали бозор товарайланмасига жалб қилиш;
- тижорат дўконларини ташкил қилиш ва ишлатиш;
- кўргазмалар, ким ошди савдолари ва тақдимот маросимлари, тижорат компанияларини ташкил қилиш ҳамда ўтказиш;
- қишлоқ хўжалиги, чорвачилик ва паррандачилик махсулотларини сақлаш, жўнатиш ва сотувга чиқариш;
- умумий овқатланишни ташкил қилиш.

3.3. Жамият қонунга хилоф бўлмаган фаолиятнинг бошқа турлари билан шуғулланишга ҳақли.

3.4. Жамият махсус рухсат (лицензия) талаб қилинадиган фаолиятни амалга оширишга ҳақли, ушбу фаолиятни тегишли махсус рухсатнома (лицензия) олгандан кейин амалга оширилади.

4-МОДДА.

ЖАМИЯТНИНГ УСТАВ ФОНДИ (УСТАВ КАПИТАЛИ)

4.1. Жамиятнинг устав фонди (устав капитали) акциядорлар олган Жамият акцияларининг номинал қийматидан ташкил топади ва Ўзбекистон Республикасининг миллий валютасида ифодаланади. Жамият томонидан чиқариладиган барча акцияларнинг номинал қиймати бир хил бўлиши керак.

4.2. Жамиятнинг устав фонди (устав капитали) Жамият кредиторлари манфаатларини қафолатлайдиган Жамият мол-мулкнинг энг кам миқдорини белгилайди.

4.3. Жамият оддий акцияларни жойлаштириши шарт, шунингдек имтиёзли акцияларни жойлаштиришга ҳақли. Жойлаштирилган имтиёзли акцияларнинг номинал қиймати жамият устав фондининг (устав капиталининг) йигирма фоизидан ошмаслиги керак.

4.4. Жамиятнинг Устав фонди (устав капитали) миқдори **21 887 309 000 (Йигирма бир миллиард саккиз юз саксон етти миллион уч юз тўққиз минг)** сўмни ташкил қилиб, **21 887 309 (Йигирма бир миллион саккиз юз саксон етти минг уч юз тўққиз)** дона ҳар бирининг номинал нархи **1 000 (Бир минг)** сўм бўлган оддий эгасининг номи ёзилган акцияларга бўлинган.

5-МОДДА.

УСТАВ ФОНДИНИ КЎПАЙТИРИШ ВА КАМАЙТИРИШ ТАРТИБИ

а) Устав фондини кўпайтириш

5.1. Жамиятнинг устав фонди (устав капитали) акцияларнинг номинал қийматини ошириш ёки қўшимча акцияларни жойлаштириш йўли билан кўпайтирилиши мумкин.

5.2. Қўшимча акциялар жамиятнинг мазкур Уставида белгиланган эълон қилинган акцияларнинг сони доирасидагина Жамият томонидан жойлаштирилиши мумкин.

5.3. Жамиятнинг устав фондини (устав капиталини) акцияларнинг номинал қийматини ошириш йўли билан кўпайтириш тўғрисидаги ва Жамият Уставага тегишли ўзгартиришлар киритиш ҳақидаги қарорлар Жамиятнинг Кузатув Кенгаши томонидан бир овоздан қабул қилинади. Жамиятнинг устав фондини (устав капиталини) акцияларнинг номинал қийматини ошириш йўли билан кўпайтириш қонун ҳужжатларида белгиланган тартибда факат Жамиятнинг ўз капитали ҳисобидан амалга оширилади.

5.4. Жамиятнинг устав фондини (устав капиталини) қўшимча акцияларни жойлаштириш йўли билан кўпайтириш ва Жамият Уставага тегишли ўзгартиришлар киритиш тўғрисидаги қарор акциядорларнинг Умумий йиғилиши томонидан қабул қилинади. Жамиятнинг устав

фондини (устав капиталини) қўшимча акцияларни жойлаштириш йўли билан кўпайтириш тўғрисидаги қарорда жойлаштириладиган қўшимча оддий акцияларнинг ва имтиёзли акцияларнинг сони, уларни жойлаштириш муддатлари ва шартлари белгиланган бўлиши керак.

5.5. Жамиятнинг устав фондини (устав капиталини) қўшимча акцияларни жойлаштириш йўли билан кўпайтириш жалб қилинган инвестициялар, жамиятнинг ўз капитали ва ҳисобланган дивидендлар ҳисобидан қонун ҳужжатларида белгиланган тартибда амалга оширилиши мумкин.

5.6. Жамиятнинг устав фондини (устав капиталини) унинг ўз капитали ҳисобидан қўшимча акцияларни жойлаштириш йўли билан кўпайтиришда бу акциялар барча акциядорлар ўртасида тақсимланади. Бунда ҳар бир акциядорга қайси турдаги акциялар тегишли бўлса, айтилган турдаги акциялар унга тегишли акциялар сонига мувофиқ равишда тақсимланади. Кўпайтириш суммасининг битта акция номинал қийматига мувофиқлиги таъминланмаслиги натижасида жамиятнинг устав фондини (устав капиталини) кўпайтиришга йўл қўйилмайди.

б) Жамиятнинг устав фондини камайтириш

5.7. Жамиятнинг устав фонди (устав капитали) акцияларнинг номинал қийматини камайтириш ёки акцияларнинг умумий сонини қисқартириш йўли билан, шу жумладан акцияларнинг бир қисmini кейинчалик бекор қилган ҳолда жамият томонидан акцияларни олиш йўли билан камайтирилиши мумкин.

5.8. Жамият, агар бунинг натижасида унинг миқдори Жамият Уставидаги тегишли ўзгаришларни давлат рўйхатидан ўтказиш санасида аниқланадиган, Жамият устав фондининг (устав капиталининг) қонун ҳужжатларида белгиланган энг кам миқдоридан камайиб кетса, устав фондини (устав капиталини) камайтиришга ҳақли эмас.

5.9. Жамиятнинг устав фондини (устав капиталини) камайтириш тўғрисидаги ва Жамият Уставига тегишли ўзгаришлар киритиш ҳақидаги қарорлар акциядорларнинг Умумий йиғилиши томонидан қабул қилинади.

5.10. Жамиятнинг устав фондини (устав капиталини) камайтириш тўғрисида қарор қабул қилинаётганда акциядорларнинг Умумий йиғилиши устав фондини (устав капиталини) камайтириш сабабларини кўрсатади ва уни камайтириш тартибини белгилайди.

5.11. Жамиятнинг устав фонди (устав капитали) миқдори камайтирилганлиги тўғрисида кредиторларни хабардор қилиш қонун ҳужжатларида белгиланган тартибда амалга оширилади.

6-МОДДА.

ЖАМИЯТНИНГ АКЦИЯЛАРИ, ОБЛИГАЦИЯЛАРИ ВА БОШҚА ҚИММАТЛИ ҚОҒОЗЛАРИ.

6.1. Жамиятнинг қимматли қоғозлар чиқариш, рўйхатдан ўтказиш, жойлаштириш ва ҳисоб-китоблар тартиби, шунингдек акцияларга бўлган ҳуқуқларнинг ўтиши Ўзбекистон Республикаси қонун ҳужжатлари ва мазкур Уставга мувофиқ белгиланади.

6.2. Жамият томонидан **21 887 309 (Йигирма бир миллион саккиз юз саксон етти минг уч юз тўққиз)** дона оддий эгасининг номи ёзилган акциялар чиқарилди ҳамда юридик ва жисмоний шахслар ўртасида жойлаштирилди.

6.3. Жамият битта акциясининг номинал қиймати **1 000 (Бир минг)** сўмни ташкил қилади.

6.4. Жамият корпоратив облигациялар ва бошқа қимматли қоғозлар чиқаришга ҳамда жойлаштиришга ҳақли.

6.5. Жамият мол-мулк билан таъминланган корпоратив облигацияларни уларни чиқариш тўғрисида қарор қабул қилиш санасидаги ўз капитали миқдори доирасида чиқаришга ҳақли.

6.6. Жамият томонидан корпоратив облигацияларни чиқариш, шу жумладан акцияларга айирбошланадиган корпоратив облигацияларни чиқариш Жамият Кузатув Кенгашининг қарорига кўра амалга оширилади.

6.7. Жамият томонидан жамият Кузатув Кенгашининг қарорига кўра акцияларга айирбошланадиган корпоратив облигациялар чиқарилган тақдирда, ушбу қарор унинг барча аъзолари томонидан бир овоздан қабул қилиниши керак.

6.8. Жамият акциялар ва акцияларга айирбошланадиган қимматли қоғозлар жойлаштиришни очик ва ёпик обуна воситасида ўтказишга ҳақли. Жамият томонидан акцияларни ва акцияларга айирбошланадиган қимматли қоғозларни жойлаштириш усуллари (очик ёки ёпик обуна) акциядорларнинг Умумий йиғилиши қарори билан белгиланади.

6.9. Акцияларни жойлаштириш, шу жумладан акциядорлар ўртасида жойлаштириш тўғрисида қарор қабул қилишда, акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархи қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан ҳолда акциядорларнинг Умумий йиғилиши томонидан белгиланади.

6.10. Жамият томонидан акцияларни ва акцияларга айирбошланадиган, ҳақи пул маблағлари билан тўланадиган эмиссиявий қимматли қоғозларни жойлаштиришда овоз берувчи акцияларнинг эгалари бўлган акциядорлар уларни имтиёзли олиш ҳуқуқига эга. Акциядор, шу жумладан акциядорларнинг Умумий йиғилишида қарши овоз берган ёхуд унда иштирок этмаган акциядор акцияларни ва акцияларга айирбошланадиган эмиссиявий қимматли қоғозларни ўзига тегишли шу турдаги акциялар миқдорига мутаносиб миқдорда имтиёзли олиш ҳуқуқига эга.

6.11. Жамиятнинг акцияларини ва бошқа қимматли қоғозларини жойлаштириш чоғида уларга ҳақ тўлаш пул ва бошқа тўлов воситалари, мол-мулк, шунингдек пулда ифодаланадиган баҳога бўлган ҳуқуқлар (шу жумладан мулкӣ ҳуқуқлар) орқали амалга оширилади. Жамиятнинг акциялари ва бошқа қимматли қоғозларга ҳақ тўлаш тартиби уларни чиқариш тўғрисидаги қарорда белгилаб қўйилади.

6.12. Агар Жамиятнинг пулдан ўзга воситалар орқали ҳақи тўланаётган акциялари ва бошқа қимматли қоғозларининг номинал қиймати қонун ҳужжатларида белгиланган энг кам иш ҳақининг икки юз бараваридан кўпни ташкил этса, Жамиятнинг акциялари ва бошқа қимматли қоғозларининг ҳақи сифатида киритилаётган мол-мулкнинг пулда ифодаланган баҳоси баҳоловчи ташкилот томонидан чиқарилиши зарур.

6.13. Жамиятнинг қўшимча акциялари тўлови ушбу акцияларни чиқариш тўғрисидаги қарорда белгиланган жойлаштириш муддати ичида тўланиши шарт.

6.14. Жамият ўзи жойлаштирган акцияларни уларни кейинчалик белгиланган тартибда қайта сотиш мақсадида қонун ҳужжатларида белгиланган тартибда олишга ҳақли.

6.15. Жамият тасарруфига ўтган акциялар овоз бериш ҳуқуқини бермайди, овозларни санаб чиқишда ҳисобга олинмайди, улар бўйича дивидендлар ҳисоблаб чиқарилмайди.

6.16. Жамият жойлаштирилган акцияларни йириклаштириш ва майдалашга ҳақли. Бунда Жамият Уставига жойлаштирилган Жамият акцияларининг номинал қийматига ва сонига тааллуқли тегишли ўзгартишлар киритилади.

7-МОДДА. ДИВИДЕНД

7.1. Дивиденд Жамият соф фойдасининг акциядорлар ўртасида тақсимланадиган қисмидир.

7.2. Дивидендлар Жамиятнинг Жамият тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади.

7.3. Жамият молиявий йилнинг биринчи чораги, ярим йиллиги, тўққиз ойи натижларига кўра ва (ёки) молиявий йил натижларига кўра жойлаштирилган акциялар бўйича дивидендлар тўлаш тўғрисида қарор қабул қилишга ҳақли. Жамиятнинг молиявий йилнинг биринчи чораги, ярим йиллиги ва тўққиз ойи натижларига кўра дивидендлар тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.

7.4. Дивидендлар миқдори, тўлов шакли, муддати ҳамда дивидендларнинг тўлов тартиби акциядорларнинг Умумий йиғилиши қарори орқали белгиланади. Бунда, дивидендларнинг

акциядори Жамият Кузатув Кенгаши томонидан тавсия этилган миқдордан кўп бўлиши мумкин эмас, тўлаш муддати эса шундай қарор қабул қилинган кундан эътиборан олтмиш кундан кеч бўлмаслиги лозим.

7.5. Дивиденд пул маблағлари ёки бошқа қонуний тўлов воситалари ёхуд Жамиятнинг қимматли қоғозлари билан тўланиши мумкин.

7.6. Дивидендларни тўлаш тўғрисида қарор қабул қилинган акциядорларнинг Умумий йиғилишини ўтказиш учун шакллантирилган Жамият акциядорларининг реестрида қайд этилган акциядорлар акциялар бўйича дивиденд олиш ҳуқуқига эга.

7.7. Эгаси ёки эгасининг қонуний ҳуқуқий вориси ёхуд меросхўри томонидан уч йил ичида талаб қилиб олинмаган дивиденд акциядорларнинг умумий йиғилиши қарорига кўра Жамият ихтиёрида қолади.

8-МОДДА

ЗАҲИРА ВА БОШҚА ФОНДЛАРИНИ ТУЗИШ ТАРТИБИ

8.1. Жамиятда устав фондининг (устав капиталининг) ўн беш фоиз миқдорида заҳира фонди ташкил этилади. Жамиятнинг заҳира фонди мазкур Уставда белгиланган миқдорга етгунига қадар соф фойдадан ҳар йилги мажбурий 5% (беш фоизли) ажратмалар орқали шакллантирилади.

8.2. Бошқа маблағлар мавжуд бўлмаган тақдирда, Жамиятнинг заҳира фонди Жамиятнинг зарарлари ўрнини қоплаш, Жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва Жамиятнинг акцияларини қайтариб сотиб олиш учун мўлжалланган. Жамиятнинг заҳира фондидан бошқа мақсадлар учун фойдаланиш мумкин эмас.

8.3. Агар заҳира фонди қисман ёки тўлиқ сарфланса, мажбурий ажратмалар қайта янгиланади.

8.4. Жамият соф даромад эвазига фаолият учун зарур бўлган бошқа фондлар тузиши мумкин. Жамиятнинг бошқа фондлари таркиби, тайинланиши, шакллантириш манбаалари ҳамда фойдаланиш тартиби Жамиятнинг Кузатув Кенгаши қарорига асосан белгиланади.

9-МОДДА.

АКЦИЯДОРЛАРНИНГ ҲУҚУҚ ВА МАЖБУРИЯТЛАРИ

9.1. Жамиятнинг акциядорлари Қонун ҳамда мазкур Уставга мувофиқ ҳуқуқларга эга.

9.2. Жамият акциядорлари акциядорларнинг Умумий йиғилишида мазкур йиғилиш ваколатига кирадиган барча масалалар бўйича овоз бериш ҳуқуқи билан иштирок этиши мумкин, шунингдек дивидендлар олиш, Жамият тугатилган тақдирда эса, ўзларига тегишли улۇшга мувофиқ Жамият мол-мулкнинг бир қисmini олиш ҳуқуқига эга.

9.3. Акциядорлар ўз ҳуқуқларини шахсан ўзлари ёхуд ўзларининг вакиллари орқали ҳам амалга оширишлари мумкин. Вакил сифатида хоҳлаган учинчи шахс, ўз навбатида бошқа акциядор ҳам қатнашиши мумкин. Вакил тайинлаш қонунда белгиланган ҳужжатларга мувофиқ амалга оширилади.

9.4. Акциядорлар, шунингдек, мазкур Уставда ҳамда амалдаги Ўзбекистон Республикаси қонун ҳужжатларида назарда тутилган бошқа ҳуқуқларга ҳам эга.

9.5. Жамият акциядорлари ўз ҳуқуқларини амалга оширишда қуйидагиларга риоя қилишлари шарт:

- Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш” тўғрисидаги Қонун ҳамда мазкур Устав низомларига риоя этиш;
- Жамиятга нисбатан ўз бўйнига олган белгиланган тартибдаги мажбуриятларни бажариш;
- Жамият фаолиятига тегишли бўлган махфий маълумотни ошкор қилмаслик;
- Ўзининг ҳаракатлари (ҳаракатсизлиги) туфайли Жамиятга зарар ҳамда зиён етказилишига йўл қўймаслик;

- Ўзбекистон Республикаси амалдаги қонун ҳужжатлари, шунингдек, Акциядорлар Умумий йиғилиши қарорлари юзасидан назарда тутилган Ўзбекистон Республикаси қонун ҳужжатлари қарорларига бўйсунуш;

- Бошқа акциядорларнинг ҳуқуқлари ва қонун билан қўриқланадиган манфаатлари бузмаслик.

9.6. Ўзининг аффилланган шахслари билан бирга Жамиятнинг 20 ва ундан ортиқ фоизли овоз берувчи акцияларига эга бўлган Жамият Акциядори қуйидаги маълумотларни Жамият эътиборига етказишга мажбур:

- Жамиятнинг 20 ва ундан ортиқ фоизли овоз берувчи акциялари (улуши, хиссаси)га ўзи, мустақил ёки аффилланган шахс (шахслар) билан бирга эга бўлган юридик шахслар тўғрисида;

- бошқарув органларида мансабни эгаллаб турган юридик шахслар тўғрисида;
- ўзи манфаатдор бўлиши мумкин бўлган, унга маълум, тузилиши мумкин бўлган ёки тузилиши кутилаётган битимлар тўғрисида.

9.7. Жамиятнинг аффилланган шахслари ҳамда акциядорнинг - Жамиятнинг аффилланган шахси бўлиб ҳисобланувчи жисмоний шахснинг аффилланган шахслари “Акциядорлик жамиятлари ва акциядорларнинг ҳуқуқларини ҳимоя қилиш” тўғрисидаги Ўзбекистон Республикаси Қонунининг 85-моддасига мувофиқ белгиланади.

10-МОДДА.

ЖАМИЯТ БОШҚАРУВ ОРГАНЛАРИ

10.1. Жамиятнинг бошқарув органлари қуйидагилар:

- Акциядорларнинг Умумий йиғилиши – бошқарувнинг олий органи;
- Кузатув Кенгаши – Жамият фаолияти умумий бошқарувини амалга ошириш органи;
- Коллегиал ижроия органини (Бошқарув) – Жамиятнинг қундалик фаолиятига раҳбарликни амалга ошириш органи.

10.2. Жамиятнинг назорат органлари қуйидагилар:

- Тафтиш комиссияси – Жамиятнинг молия-хўжалик фаолияти устидан назоратни амалга ошириш органи;
- Жамиятнинг ички аудит хизмати – Жамиятнинг ижроия органи, филиаллари ва ваколатхоналари ишини назорат қилиш ва баҳолаш органи.

11-МОДДА.

АКЦИЯДОРЛАРНИНГ УМУМЙЙ ЙИҒИЛИШИ

11.1. Акциядорларнинг умумий йиғилиши Жамият бошқарувининг олий органи бўлиб ҳисобланади.

11.2. Акциядорларнинг Умумий йиғилишини чақириш ва ўтказиш билан боғлиқ масалалар амалдаги қонун ҳужжатлари, мазкур Устав ҳамда акциядорларнинг Умумий йиғилиши тасдиғидан ўтган “Жамият акциядорларнинг Умумий йиғилиши тўғрисидаги Низом” орқали назорат қилинади.

11.3. Акциядорларнинг Умумий йиғилишини Жамият Кузатув Кенгашининг Раиси, узрли сабабларга кўра бўлмаган тақдирда эса, Жамият Кузатув Кенгашининг аъзоларидан бири йиғилиш котибини тайинлайди ва йиғилиш баённомасининг юритилишини таъминлайди.

11.4. Жамият ҳар йили акциядорларнинг Умумий йиғилишини (акциядорларнинг йиллик умумий йиғилишини) ўтказиш шарт.

11.5. Акциядорларнинг йиллик Умумий йиғилиши молия йили тугаганидан кейин олти ойдан кечиктирмай ўтказилади. Акциядорларнинг йиллик Умумий йиғилишида Жамиятнинг Кузатув Кенгашини ва тафтиш комиссиясини сайлаш тўғрисида, шартноманинг муддатини узайтириш имконияти ҳақида, Жамиятнинг (Бошқарув) аъзолари ўртасида шартномани қайта тузиш ёки бекор қилиш мумкинлиги ҳақидаги масалалар ҳал этилади, шунингдек Жамиятнинг йиллик ҳисоботи ва бошқа ҳужжатлари Ўзбекистон Республикаси “Акциядорлик жамиятлари

ва акциядоларнинг ҳуқуқларини ҳимоя қилиш тўғрисидаги” Қонунининг 59-моддаси - қисмининг 12 ва 13 хатбошиларига мувофиқ кўриб чиқилади.

11.6. Акциядорларнинг йиллик Умумий йиғилишидан ташқари ўтказиладиган Умумий йиғилишлари навбатдан ташқари йиғилишлар бўлиб ҳисобланади.

11.7. Акциядорларнинг Умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг Умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати Жамиятнинг Кузатув Кенгаши томонидан белгиланади.

11.8. Акциядорларнинг Умумий йиғилишини ўтказишга тайёргарлик кўриляётганда жамиятнинг Кузатув Кенгаши, Ўзбекистон Республикаси “Акциядорлик жамиятлари ва акциядоларнинг ҳуқуқларини ҳимоя қилиш тўғрисидаги” Қонуни 65-моддасининг ўн биринчи қисмида назарда тутилган ҳолларда эса, Умумий йиғилишни чақирувчи шахслар қуйидагиларни белгилайди:

- Умумий йиғилиш ўтказиладиган сана, вақт ва жойни;
- Умумий йиғилишнинг кун тартибини;
- Умумий йиғилиш ўтказиш учун Жамият акциядорларининг реестри шакллантириладиган санани;

- Умумий йиғилиш ўтказилиши ҳақида акциядорларга ва давлат вакилига хабар қилиш тартибини;

- Умумий йиғилишни ўтказишга тайёргарлик кўриляётганда акциядорларга ва давлат вакилига тақдим этиладиган ахборот (материаллар) рўйхатини;

- овоз бериш бюллетенининг шакли ва матнини.

11.9. Аниқ масала қўйилишини акс эттирмайдиган таърифларнинг (шу жумладан, "турли масалалар", "бошқа масалалар", "ўзга масалалар" ва ҳ.з.) акциядорларнинг Умумий йиғилиши кун тартибига киритилишига йўл қўйилмайди.

11.10. Акциядорларнинг Умумий йиғилиши ўтказиладиган сана уни ўтказиш тўғрисида қарор қабул қилинган кундан эътиборан ўн кундан кам ва ўттиз кундан кўп этиб белгиланиши мумкин эмас.

11.11. Акциядорларнинг Умумий йиғилишини ўтказиш тўғрисидаги хабар, акциядорларнинг Умумий йиғилиши ўтказиладиган санадан етти кундан кечиктирмай, лекин камида ўттиз кун олдин жамиятнинг расмий веб-сайтида, оммавий ахборот воситаларида эълон қилинади, шунингдек акциядорларга электрон почта орқали юборилади.

11.12. Акциядорларнинг Умумий йиғилишида иштирок этиш ҳуқуқига акциядорларнинг Умумий йиғилиши ўтказиладиган санадан уч иш куни олдин шакллантирилган Жамият акциядорларининг реестрида қайд этилган акциядорлар эга бўлади.

11.13. Агар акциядорларнинг Умумий йиғилишида иштирок этиш учун рўйхатдан ўтказиш тугалланган пайтда Жамиятнинг жойлаштирилган овоз берувчи акцияларининг жами эллик фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг Умумий йиғилиши ваколатли (кворумга эга) бўлади.

11.14. Акциядорларнинг Умумий йиғилиши ваколатига қуйидагилар қиради:

- 1) Жамият Уставига ўзгартиш ва қўшимчалар киритиш ёки Жамиятнинг янги тахрирдаги Уставини тасдиқлаш, акцияларнинг номинал қийматини ошириш йўли орқали жамият устав фондини (устав капиталини) кўпайтириш бўйича Жамият Уставига ўзгартиш ва қўшимчалар киритиш бундан мустасно;

- 2) Жамиятни қайта ташкил этиш;

- 3) Жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;

- 4) Жамият Кузатув Кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

- 5) эълон қилинган акцияларнинг энг кўп миқдорини белгилаш;

6) Жамиятнинг устав фондини (устав капиталини) кўпайтириш, Жамиятнинг устав фондини (устав капиталини) акцияларнинг номинал қийматини ошириш йўли орқали кўпайтириш бундан мустасно;

7) Жамиятнинг устав фондини (устав капиталини) камайитириш;

8) ўз акцияларига эга бўлиш;

9) Жамиятнинг ташкилий тузилмасини тасдиқлаш, Жамиятнинг ижроия органини тузиш, унинг Бошқарув Раисини сайлаш (тайинлаш) ва унинг ваколатларини муддатидан илгари тугатиш;

10) Жамият тафтиш комиссиясининг аъзоларини сайлаш ва уларнинг ваколатларини муддатидан илгари тугатиш, шунингдек тафтиш комиссияси тўғрисидаги низомни тасдиқлаш;

11) Жамиятнинг йиллик ҳисоботи тасдиқлаш;

12) Жамиятнинг фойдаси ва зарарларини тақсимлаш;

13) Жамият Кузатув Кенгашининг ҳисоботларини ва тафтиш комиссиясининг ўз ваколат доирасига кирадиган масалалар юзасидан, шу жумладан Жамиятни бошқаришга доир қонун ҳужжатларида белгиланган талабларга риоя этилиши юзасидан ҳулосаларини эшитиш;

14) имтиёзли ҳуқуқни қўлламаслик тўғрисида Ўзбекистон Республикаси “Акциядорлик жамиятлари ва акциядорлар ҳуқуқларини ҳимоя қилиш” тўғрисидаги Қонунининг 35-моддасида назарда тутилган қарорни қабул қилиш;

15) Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисидаги” Қонуннинг 34-моддасига мувофиқ акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

16) акциядорлар Умумий йиғилишининг регламентини тасдиқлаш;

17) акцияларни майдалаш ва йириклаштириш;

18) Жамиятнинг ижроия органига тўланадиган ҳақ ва (ёки) компенсацияларни, шунингдек уларнинг энг юқори миқдорларини белгилаш;

19) Баланс қиймати ёки олиш қиймати битим тузиш тўғрисида қарор қабул қилинаётган санада Жамият соф активлари миқдорининг эллик фоизидан ортигини ташкил этувчи мол-мулк хусусида йирик битим тузиш тўғрисидаги қарорни Ўзбекистон Республикаси “Акциядорлик жамиятлари ва акциядорлар ҳуқуқларини ҳимоя қилиш” тўғрисидаги Қонуннинг 8 бобига мувофиқ қабул қилиш;

20) Жамиятнинг аффилланган шахси билан “Акциядорлик жамиятлари ва акциядорлар ҳуқуқларини ҳимоя қилиш” тўғрисидаги Қонуннинг 9 бобига мувофиқ битим тузиш қарорини қабул қилиш;

21) Қонун ҳужжатларига ҳамда мазкур Жамият Уставига мувофиқ бошқа масалаларни ҳал этиш.

11.15. Акциядорлар Умумий йиғилишининг ваколат доирасига киритилган масалалар ҳал қилиниши учун Жамиятнинг ижроия органига берилиши мумкин эмас.

11.16. Акциядорларнинг Умумий йиғилиши Қонунга мувофиқ акциядорларнинг Умумий йиғилиши ваколат доирасига киритилган масалалар бўйича қарор қабул қилишга ҳақли, бироқ Жамият Уставида белгиланган қарор қабул қилиш ҳуқуқи Жамият Кузатув Кенгашига берилган.

11.17. Акциядорларнинг Умумий йиғилиши қун тартибига киритилмаган масалалар бўйича қарор қабул қилишга, шунингдек қун тартибига ўзгартишлар киритишга ҳақли эмас.

11.18. «Акциядорлик жамиятлари ва акциядорлар ҳуқуқларини ҳимоя қилиш» Қонуннинг 59-моддаси биринчи қисмининг иккинчи - тўртинчи, олтинчи ва ўн тўртинчи хатбошиларида ҳамда 84-моддасининг иккинчи ва учинчи қисмларида кўрсатилган масалалар бўйича қарор акциядорлар Умумий йиғилиши томонидан акциядорларнинг Умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан қабул қилинади.

11.19. Акциядорларнинг Умумий йиғилишида овозга қўйилган, шунингдек овоз бериш яқунлари акциядорлар эътиборига қуйидаги йўллар орқали етказилади:

- акциядорларнинг Умумий йиғилиши тугаши билан уларнинг эълон қилиниши;

• ахборотнинг муҳим факти тўғрисида акциядорларнинг Умумий йиғилиши баённомаси тузилган кундан бошлаб 2 иш куни ичида ошкор қилиниши.

11.20. Жамият акциялари фонд биржа листингига киритилган тақдирда Жамият фонд биржанинг расмий веб-сайтида тегишли ахборотни эълон қилиши шарт.

11.21. Жамиятнинг барча овоз берувчи акцияларнинг камида бир фоизига эгалик қилувчи акциядорлар (акциядор) Жамиятнинг молия йили тугаганидан кейин ўттиз кундан кечиктирмай, акциядорларнинг йиллик Умумий йиғилиши кун тартибига масалалар киритишга ҳамда сони бу органнинг миқдор таркибидан ошмаган ҳолда Жамиятнинг Кузатув Кенгашига ва тафтиш комиссиясига номзодлар кўрсатишга ҳақли.

11.22. Акциядорлар (акциядор) Жамият Кузатув Кенгаши ва тафтиш комиссиясига ўзлари кўрсатган номзодлар рўйхатида акциядорларнинг йиллик Умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартишлар киритишга ҳақли.

12-МОДДА.

ЖАМИЯТНИНГ КУЗАТУВ КЕНГАШИ

12.1. Жамиятнинг Кузатув Кенгаши Жамият фаолиятига умумий раҳбарликни амалга оширади, акциядорлар Умумий йиғилишининг ваколат доирасига киритилган масалаларни ҳал этиш бундан мустасно.

12.2. Жамиятнинг Кузатув Кенгаши фаолияти тартиби тасдиқланган қонун ҳужжатлари ва мазкур Устав ҳамда Акциядорларнинг Умумий йиғилиши томонидан тасдиқланган “Жамиятнинг Кузатув Кенгаши тўғрисидаги Низоми” орқали белгиланади.

12.3. Жамият Кузатув Кенгашининг ваколат доирасига қуйидагилар киради:

- 1) Жамият фаолиятининг устувор йўналишларини белгилаш;
- 2) акциядорларнинг йиллик ва навбатдан ташқари Умумий йиғилишларини чақириш, бундан Ўзбекистон Республикаси “Акционерлик жамиятлари ва акционерлар ҳуқуқларини ҳимоя қилиш” тўғрисидаги Қонунининг 65-моддасининг ўн биринчи қисмида назарда тутилган ҳоллар мустасно;
- 3) акциядорлар Умумий йиғилишининг кун тартибини тайёрлаш;
- 4) акциядорларнинг Умумий йиғилиши ўтказиладиган сана, вақт ва жойни белгилаш;
- 5) акциядорларнинг Умумий йиғилиши ўтказилиши ҳақида хабар қилиш учун Жамият акциядорларининг реестрини шакллантириш санасини белгилаш;
- 6) Ўзбекистон Республикаси “Акциядорлик жамиятлари ва акционерлар ҳуқуқларини ҳимоя қилиш” тўғрисидаги Қонуннинг 59-моддаси биринчи қисмининг иккинчи хатбошисидан назарда тутилган масалаларни акциядорларнинг Умумий йиғилиши ҳал қилиши учун киритиш;
- 7) мол-мулкнинг бозор қийматини белгилашни ташкил этиш;
- 8) ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;
- 9) йиллик бизнес режасини тасдиқлаш;
- 10) Жамият ижроия органининг фаолиятига дахлдор ҳар қандай ҳужжатлардан эркин фойдаланиш ва Жамият Кузатув Кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамиятнинг Кузатув Кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;
- 11) аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш
- 12) Жамиятнинг тафтиш комиссияси аъзоларига тўланадиган ҳақ ва компенсацияларнинг миқдорлари юзасидан тавсиялар бериш;
- 13) дивиденд миқдори, уни тўлаш шакли ва тартиби юзасидан тавсиялар бериш;
- 14) Жамиятнинг захира фондидан ва бошқа фондларидан фойдаланиш;
- 15) Жамиятнинг филиалларини ташкил этиш ва ваколатхоналарини очиш;
- 16) шўъба ва тобе ҳўжалик жамиятларини ташкил этиш;
- 17) Баланс қиймати ёки олиш қиймати битим тузиш тўғрисида қарор қабул қилинаётган санада Жамият соф активлари миқдорининг ўн беш фоизидан эллик фоизигачасини ташкил

этувчи мол-мулк хусусида йирик битим тузиш тўғрисидаги қарорни Ўзбекистон Республикаси “Акциядорлик жамиятлари ва акциядорлар ҳуқуқларини ҳимоя қилиш” тўғрисидаги Қонуннинг 8 бобига мувофиқ қабул қилиш. Қарор Жамият Кузатув Кенгашининг аъзолари томонидан бир овоздан қабул қилинади, бунда Кузатув Кенгашидан чиқиб кетган аъзоларнинг овози инобатга олинмайди. Йирик битим тузиш масаласи бўйича Жамият Кузатув Кенгашининг яқдиллигига эришилмаган тақдирда йирик битим тузиш тўғрисидаги масала Кузатув Кенгашининг қарорига кўра акциядорларнинг Умумий йиғилиши ҳал қилиши учун олиб чиқилиши мумкин;

18) Ўзбекистон Республикаси “Акциядорлик жамиятлари ва акциядорлар ҳуқуқларини ҳимоя қилиш” тўғрисидаги Қонуннинг 9 бобига мувофиқ Жамиятнинг аффилиланган шахси ўртасида битимлар тузиш ҳақида қарор қабул қилиш. Агар Жамият Кузатув Кенгашининг икки ва ундан ортиқ аъзоси аффилиланган шахс бўлса, битим бўйича қарор акциядорларнинг Умумий йиғилиши томонидан қабул қилинади. Аффилиланган шахс билан тузилаётган битимни маъқуллаш ҳақидаги қарор мажлисда иштирок этаётган жамият кузатув кенгаши аъзолари томонидан бир овоздан ёхуд акциядорларнинг умумий йиғилишида иштирок этаётган акциядорларнинг малакали кўпчилик овози билан қабул қилинади.

19) Жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;

20) Жамиятнинг устав фондини (устав капиталини) кўпайтириш масалаларини, шунингдек Жамият Уставига Жамиятнинг устав фондини (устав капиталини) кўпайтириш билан боғлиқ ўзгартиш ва қўшимчалар киритиш тўғрисидаги масалаларни ҳал қилиш, Жамиятнинг устав фондини (устав капиталини) қўшимча акциялар жойлаштириш йўли орқали кўпайтириш билан боғлиқ Жамият Уставига ўзгартиш ва қўшимчалар киритиш масалаларини ҳал қилиш бундан мустасно;

21) қимматли қоғозларни (акцияларни, облигацияларни) ҳамда эмиссия рисоласини чиқариш тўғрисидаги қарорни тасдиқлаш;

22) қимматли қоғозларни (акцияларни, облигацияларни) ва эмиссия рисоласини ҳамда уларнинг матн тасдиғини чиқариш тўғрисидаги қарорга ўзгартириш ва (ёки) қўшимчалар киритиш;

23) Жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;

24) қимматли қоғозларнинг ҳосилаларини чиқариш тўғрисида қарор қабул қилиш;

25) Жамиятнинг корпоратив облигацияларини қайтариб сотиб олиш тўғрисида қарор қабул қилиш;

12.4. Жамият Кузатув Кенгашининг ваколат доирасига Ўзбекистон Республикаси “Акциядорлик жамиятлари ва акциядорлар ҳуқуқларини ҳимоя қилиш” тўғрисидаги Қонун ва мазкур Уставга мувофиқ бошқа масалаларни ҳал этиш ҳам киритилиши мумкин.

12.5. Жамият Кузатув Кенгашининг ваколат доирасига киритилган масалалар ҳал қилиш учун Жамиятнинг ижроия органига ўтказилиши мумкин эмас.

12.6. Жамият Кузатув Кенгашининг аъзолари акциядорларнинг Умумий йиғилиши томонидан бир йил муддатга сайланади. Жамият Кузатув Кенгашининг сон таркиби **9 (тўққиз)** кишидан иборат.

12.7. Жамиятнинг Кузатув Кенгаши таркибига сайланган шахслар чекланмаган тарзда қайта сайланиши мумкин.

12.8. Жамият Бошқаруви Раиси ва аъзолари Жамиятнинг Кузатув Кенгашига сайланиши мумкин эмас.

12.9. Айни шу Жамиятда меҳнат шартномаси (контракт) бўйича ишлаётган шахслар Жамиятнинг Кузатув Кенгаши аъзоси бўлиши мумкин эмас.

12.10. Жамиятнинг Кузатув Кенгаши таркибига сайланадиган шахсларга нисбатан қўйиладиган талаблар акциядорларнинг Умумий йиғилиши томонидан тасдиқланган қарорда белгилаб қўйилади.

12.11. Жамиятнинг Кузатув Кенгаши аъзолари сайлови кумулятив овоз бериш орқали амалга оширилади.

12.12. Кумулятив овоз беришда ҳар бир акциядорга тегишли овозлар сони Жамиятнинг Кузатув Кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга тўлиқ беришга ёки икки ва ундан ортиқ номзодлар ўртасида тақсимлашга ҳақли.

12.13. Энг кўп овоз тўплаган номзодлар Жамият Кузатув Кенгашининг таркибига сайланган деб ҳисобланади.

12.14. Жамият Кузатув Кенгашининг раиси, Кузатув Кенгаши аъзоларининг умумий сонига нисбатан кўпчилик овоз билан, ушбу кенгаш таркибидан Кузатув Кенгаши аъзолари томонидан сайланади.

12.15. Жамиятнинг Кузатув Кенгаши ўз раисини Кузатув Кенгаши аъзоларининг умумий сонига нисбатан кўпчилик овоз билан қайта сайлашга ҳақли.

12.16. Жамият Кузатув Кенгашининг раиси унинг ишини ташкил этади, Кузатув Кенгаши мажлисларини чақиради ва уларда раислик қилади, мажлисларда баённома юритилишини ташкил этади, акциядорларнинг Умумий йиғилишида раислик қилади.

12.17. Жамият Кузатув Кенгашининг раиси бўлмаган тақдирда унинг вазифасини Кузатув Кенгашининг аъзоларидан бири амалга оширади.

12.18. Жамият Кузатув Кенгашининг мажлиси Кузатув Кенгашининг раиси томонидан унинг ўз ташаббусига кўра, Жамият Кузатув Кенгаши аъзоси, тафтиш комиссияси аъзоси, Бошқарув Раиси ҳамда ички аудит хизмати раиси талабига кўра чақирилади.

12.19. Жамият Кузатув Кенгаши мажлиси Кузатув Кенгаши раисининг талабига кўра камида бир чоракда бир марта чақирилади.

12.20. Жамият Кузатув Кенгашининг мажлисини ўтказиш учун кворум Жамиятнинг Кузатув Кенгашига сайланган аъзолар сонининг етмиш беш фоизидан кам бўлмаслиги керак.

12.21. Жамият Кузатув Кенгаши аъзоларининг сони мазкур Жамият Уставида назарда тутилган миқдорнинг етмиш беш фоизидан кам бўлган тақдирда, Жамият Кузатув Кенгашининг янги таркибини сайлаш учун акциядорларнинг навбатдан ташқари Умумий йиғилишини чақириши шарт. Кузатув Кенгашининг қолган аъзолари акциядорларнинг бундай навбатдан ташқари Умумий йиғилишини чақириш тўғрисида қарор қабул қилишга, шунингдек Жамият Бошқарув Раисининг ваколатлари муддатидан илгари тугатилган тақдирда, унинг вазифасини вақтинча бажарувчини тайинлашга ҳақлидир.

12.22. Жамият Кузатув Кенгашининг мажлисида қарорлар, амалдаги мазкур Уставда ва Қонунда ўзгача қоида назарда тутилмаган бўлса, мажлисда ҳозир бўлганларнинг кўпчилик овози билан қабул қилинади.

12.23. Жамият Кузатув Кенгашининг мажлисида масалалар ҳал этилаётганда Кузатув Кенгашининг ҳар бир аъзоси битта овозга эга бўлади.

12.24. Жамият Кузатув Кенгашининг бир аъзоси ўз овозини Кузатув Кенгашининг бошқа аъзосига беришга йўл қўйилмайди.

12.25. Жамият Кузатув Кенгаши аъзоларининг овозлари тенг бўлган тақдирда Жамият Кузатув Кенгаши раиси ҳал қилувчи овоз ҳуқуқига эга.

12.26. Жамият Кузатув Кенгашининг мажлисида баённома юритилади. Кузатув Кенгаши мажлисининг баённомаси мажлис ўтказилганидан сўнг ўн кундан кечиктирмай тузилади. Мажлис баённомасида қуйидагилар кўрсатилади:

- мажлис ўтказилган сана, вақт ва жой;
- мажлисда ҳозир бўлган шахслар;
- мажлиснинг кун тартиби;
- овоз беришга қўйилган масалалар, улар юзасидан ўтказилган овоз бериш яқунлари;
- қабул қилинган қарорлар.

12.27. Жамият Кузатув Кенгаши мажлисининг баённомаси мажлисда иштирок этаётган, мажлис баённомаси тўғри расмийлаштирилиши учун жавобгар ҳисобланувчи Жамиятнинг Кузатув Кенгаши аъзолари томонидан имзоланади.

12.28. Жамият Кузатув Кенгашининг қарорлари сиртдан овоз бериш йўли билан (сўров йўли билан) Жамият Кузатув Кенгашининг барча аъзолари томонидан бир овоздан қабул қилиниши мумкин.

12.29. Жамият Кузатув Кенгаши мажлисининг баённомаси имзоланган куни Жамиятнинг ижроия органига ижро этиш учун топширилади. Кузатув Кенгаши акциядорларнинг Умумий йиғилишини чақириш тўғрисида қарор қабул қилган тақдирда ушбу қарор ҳақидаги ахборот Жамиятнинг ижроия органига Кузатув Кенгашининг мажлиси ўтказиладиган куни топширилади.

13-МОДДА. ЖАМИЯТНИНГ ИЖРОИЯ ОРГАНИ

13.1. Жамиятнинг кундалик фаолиятига раҳбарлик қилиш ваколати Бошқарув томонидан амалга оширилади. Жамият бошқаруви акциядорларнинг Умумий йиғилишида бир йил муддатда сайланадиган **7 (етти)** аъзолардан иборат.

13.2. Жамиятнинг Бошқарув фаолияти акциядорларнинг Умумий йиғилишининг “Жамиятнинг Ижроия Органи тўғрисидаги Низомига” ва мазкур Уставга мувофиқ иш юритади.

13.3. Жамият Бошқарув Раиси акциядорларнинг Умумий йиғилишида бир йил муддатда сайланади (тайинланади).

13.4. Жамият Бошқарув Раисининг ваколатига жамиятнинг кундалик фаолиятига раҳбарлик қилишга доир барча масалалар киради, акциядорлар Умумий йиғилишининг ёки Жамият Кузатув Кенгашининг ваколат доирасига киритилган масалалар бундан мустасно.

13.5. Жамиятнинг Бошқарув Раиси акциядорлар Умумий йиғилишининг ва Жамият Кузатув Кенгашининг қарорлари бажрилишини ташкил қилади.

13.6. Жамиятнинг Бошқарув Раиси ваколатларига қуйидагилар киради:

- Ўз ваколати доирасида Жамиятнинг ишини бошқариш;
- Кузатув Кенгаши рухсатига биноан унинг фаолиятида маслаҳат овози билан қатнашиш;
- Жамият номидан ишончномасиз иш юритиш, Жамият манфаатларини барча давлат ташкилотлари ва муассасаларда мулк шаклларида қатъий назар ҳимоя қилиш;
- Банк ҳамда Жамиятнинг бошқа молиявий ҳужжатларида биринчилардан имзо қўйиш ҳуқуқи билан Банкларда ҳисоб варақалари ва валюта ҳисоб варақалари очиш;
- Жамият миждозлари ҳамда бошқа ташкилот ва муассасалар билан битимлар тузиш ва шартномалар имзолаш;
- Ўз ваколатлари доирасида Жамиятнинг мулки ва маблағларини тасарруф этиш;
- Ходимлар жадвалини белгилаш ҳамда тасдиқлаш, ходимларни ишга қабул қилиш, улар билан меҳнат шартномаларини имзолаш ва бекор қилиш, интизомни бузишда уларга нисбатан интизомий жазо чораларини қўллаш, меҳнат ҳамда ижро интизомини сақлашни таъминлаш;
- Жамият ишчиларига меҳнат ҳақини (барча турдаги мукофот, устамалар, қўшимча тўлов ҳамда меҳнат коэффицентини тадбиқ этиш) белгилаш;
- Нафақага чикувчи Жамият ишчиларига бир марталик мукофот пули белгилаш;
- Жамиятнинг таркибли бўлинмалари ва Жамият ишчилари лавозимида оид кўрсатмалар тўғрисидаги низомни тасдиқлаш;
- Қонун ҳужжатларига мувофиқ Жамият номидан ишончномалар топшириш;
- Жамиятнинг барча ходимлари бажариши мажбурий бўлган буйруқлар ва кўрсатмалар бериш;
- Жамиятнинг барча филиал раҳбарлари ҳамда Жамият вакиллари бажариши мажбурий бўлган буйруқлар ва кўрсатмалар бериш;
- Жамиятнинг ички норматив ҳужжатларини тасдиқлаш, Акциядорларнинг умумий йиғилиши ёки Кузатув Кенгаши ваколатларига кирувчи ички норматив ҳужжатларини тасдиқлаш бундан мустасно;
- Жамиятнинг кундалик фаолияти самарадорлигини ошириш ҳамда мустаҳкам фаолият таъминланишини бошқариш, фақат Акциядорларнинг Умумий йиғилиши ёки Жамият Кузатув Кенгашининг махсус ваколатларига кирувчи масалалар бундан мустасно;

- Акциядорларнинг Умумий йиғилиши ёки Кузатув Кенгаши қарорлари ижросини таъминлаш ҳамда ташкил этиш;
- Таркибли бўлинмалар ўртасида самарали ўзаро алоқани таъминлаш;
- Жамиятнинг бизнес-режасида белгиланган даромад олинишини таъминлаш;
- Жамиятни ривожлантириш бизнес-режаси ва дастурлар тузишни бошқариш, уларнинг ижросини таъминлаш ва назорат қилиш;
- Жамият фаолиятида қонун ҳужжатлари талабларига риоя этилишини таъминлаш;
- Жамиятда тегишли ҳолат таъминланишини ҳамда бухгалтерия ҳисобининг тўғрилигини, йиллик ҳисоботнинг ва бошқа молиявий ҳисоботнинг тегишли идорага, шунингдек Жамиятнинг фаолияти ҳақидаги маълумотни акциядорлар, кредиторлар ва маълумот олувчи бошқа вакилларга ўз вақтида тақдим этилишини таъминлаш;
- Кузатув Кенгаши, тафтиш комиссияси ёки Жамият аудитори талабларига биноан Жамиятнинг молия-хўжалик фаолияти тўғрисидаги ҳужжатларни тўсиқларсиз тақдим этиш;
- Тегишли идораларга тўлиқ ҳамда ўз вақтида бухгалтерия ва статистик ҳисоботларнинг тақдим этилишини таъминлаш;
- Жамиятнинг хизмат ва тижорат сирини ташкил этувчи ахборотнинг сир сақланишини таъминлаш;
- Жамиятнинг хизмат ва тижорат сирини ташкил этувчи ахборотни ходимлар томонидан сир сақланиши назорат қилиниши учун чоралар кўриш;
- Жамиятга малакали ходимлар қабул қилинишини таъминлаш. Ходимлар билимини, малакасини, тажриба ва қобилиятини самарали қўллаш учун чоралар кўриш;
- Ходимларнинг ижтимоий қафолатига риоя қилинишини ва меҳнат шароити хавфсизлигини таъминлаш;
- Жамият акциядорларининг Умумий йиғилишига ва Кузатув Кенгашига ўз ваколати бўйича фаолият маълумотини ўз вақтида тақдим этиш;
- Акциядорларнинг Умумий йиғилишда акциядорларнинг қатнашиши, дивидендлар ҳисоблаб чиқиш ва тўлаши бўйича барча ҳуқуқларга риоя қилиш;
- Амалдаги қонун ҳужжатлари, қонуний далолатномалар ҳамда Жамиятнинг ички норматив қоидалари талабларига риоя қилиш.

13.7. Жамият Бошқарув Раисининг ҳуқуқ ва мажбуриятлари қонун ҳужжатлари, мазкур Устав ва Жамият билан бир йил муддатга шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йилги қарор қабул қилиниши билан белгиланади. Шартнома Жамият номидан Жамият Кузатув Кенгашининг Раиси ёки Жамиятнинг Кузатув Кенгаши ваколат берган шахс томонидан имзоланади. Жамият Бошқарувининг Раиси билан тузиладиган шартномада уларнинг Жамият фаолияти самарадорлигини ошириш бўйича мажбуриятлари ҳамда Жамиятнинг йиллик бизнес-режасини бажариш қандай бораётганлиги юзасидан акциядорларнинг Умумий йиғилиши ва Жамият Кузатув Кенгаши олдида берадиган ҳисоботларининг даврийлиги назарда тутилган бўлиши керак.

13.8. Жамиятнинг Бошқарув Раисига тўланадиган ҳақ миқдори Жамият фаолиятининг самарадорлигига тўғридан-тўғри боғлиқ бўлади ва шартномада белгиланган бўлиши керак.

13.9. Жамиятнинг Бошқарув Раиси вазифаларининг бошқа ташкилотлар бошқарув органларидаги лавозим билан ўриндошлигига факат Жамият Кузатув Кенгашининг розилиги билан йўл қўйилади.

13.10. Акциядорларнинг Умумий йиғилиши Жамиятнинг Бошқарув Раиси ҳамда бошқарув аъзолари билан тузилган шартномани улар шартнома шартларини бузган тақдирда тугатишга (бекор қилишга) ҳақли.

13.11. Жамият Кузатув Кенгаши Жамиятнинг Бошқарув Раиси ҳамда бошқарув аъзолари билан тузилган шартномани, агар улар Жамият Уставини кўпол тарзда бузса ёки уларнинг ҳаракатлари (ҳаракатсизлиги) туфайли Жамиятга зарар етказилган бўлса, муддатидан илгари тугатиш (бекор қилиш) ҳуқуқига эга.

13.12. Акциядорларнинг Умумий йиғилиши ёки Жамият Кузатув Кенгаши томонидан, Жамиятнинг Бошқарув Раиси ваколатларини тугатиш тўғрисида қарор қабул қилинган

тақдирда, Жамият Бошқарув органининг ваколатларини бошқа шахсга ўтказиш тўғрисидаги масала ўша йиғилишнинг ўзида ҳал этилиши ёхуд Жамият Бошқарув Раиси вазифасини вақтинча бажарувчи шахсни тайинлаган ҳолда акциядорларнинг яқин орадаги Умумий йиғилишида кўриб чиқиш учун қолдирилиши мумкин.

14-МОДДА.

ЖАМИЯТНИНГ ФАОЛИЯТИНИ НАЗОРАТ ҚИЛИШ

Тафтиш комиссияси

14.1. Жамиятнинг молия-хўжалик фаолиятини назорат қилиш учун Жамият Уставига мувофиқ акциядорларнинг Умумий йиғилиши томонидан бир йил муддатга 5 (беш) кишидан иборат тафтиш комиссияси сайланади.

14.2. Жамият тафтиш комиссияси аъзоларига доир малака талаблари акциядорларнинг Умумий йиғилиши томонидан белгиланади. Айни бир шахс айни бир Жамиятнинг тафтиш комиссияси таркибига кетма-кет уч мартадан ортиқ сайланиши мумкин эмас.

14.3. Жамият тафтиш комиссиясининг ваколат доираси қонун ҳужжатлари, мазкур Устав ва акциядорларнинг Умумий йиғилиши тасдиқлаган “Жамият Тафтиш Комиссияси тўғрисидаги Низом”, билан белгиланади.

14.4. Жамият тафтиш комиссиясининг ёзма талабига кўра Жамият ижроия органида мансабни эгаллаб турган шахслар Жамиятнинг молия-хўжалик фаолияти тўғрисидаги ҳужжатларни тафтиш комиссиясига тақдим этишлари шарт.

14.5. Жамият тафтиш комиссиясининг аъзолари бир вақтнинг ўзида Жамият Кузатув Кенгашининг аъзоси бўлиши, шунингдек айни шу Жамиятда меҳнат шартномаси (контракти) бўйича ишлаши мумкин эмас.

14.6. Жамиятнинг молия-хўжалик фаолиятини текшириш тафтиш комиссиясининг, акциядорлар Умумий йиғилишининг, Жамият Кузатув Кенгашининг ташаббусига кўра ёки Жамият овоз берувчи акцияларининг камида беш фоизига эгаллик қилувчи акциядорнинг (акциядорларнинг) талабига кўра Жамият Кузатув Кенгашини олдиндан хабардор қилиш йўли билан бир йиллик ёки бошқа давр ичидаги фаолият якунлари бўйича амалга оширилади.

14.7. Жамиятнинг молия-хўжалик фаолиятини текшириш якунларига кўра Жамиятнинг тафтиш комиссияси хулоса тузади, бу хулосада кўрсатилиши шарт:

- Жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;
- бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга оширилаётганда қонун ҳужжатлари бузилганлиги фактлари тўғрисидаги ахборот.

14.8. Тафтиш комиссияси Жамиятда аффилланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва Жамият ички ҳужжатларининг бундай битимларни тузишга доир талабларига риоя қилиниши тўғрисидаги хулосани ҳар чоракда Жамият Кузатув Кенгашининг мажлисига олиб чиқади. Мазкур Уставнинг 14.7. бандида кўрсатилган ахборотни ўз ичига олган хулосаси акциядорларнинг йиллик Умумий йиғилишида эшитилади.

Жамиятнинг ички аудит хизмати

14.9. Жамиятнинг ички аудит хизмати қонун ҳужжатларига, Жамият Уставига ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек Жамиятни бошқариш юзасидан қонун ҳужжатларида белгиланган талабларга риоя этилишини текшириш ҳамда мониторинг олиб бориш орқали Жамиятнинг ижроия органи, филиаллари ва ваколатхоналари ишини назорат қилади ҳамда баҳолайди.

14.10. Ички аудит хизмати Жамиятнинг Кузатув Кенгашига ҳисобдордир.

14.11. Жамиятнинг ички аудит хизмати ўз фаолиятини, Ўзбекистон Республикаси Вазирлар Маҳкамаси томонидан белгиланадиган тартибга мувофиқ амалга оширади.

Миноритар акциядорлар қўмитаси

14.12. Миноритар акциядорларнинг ҳуқуқлари ва қонуний манфаатларини ҳимоя қилиш мақсадида Жамиятда уларнинг орасидан миноритар акциядорларнинг қўмитаси ташкил этилиши мумкин.

14.13. Миноритар акциядорлар қўмитасининг фаолият кўрсатиш тартиби қимматли қоғозлар бозорини тартибга солиш бўйича ваколатли давлат органи томонидан тасдиқланади.

15-МОДДА.

ЖАМИЯТ ҲИСОБИ ВА ҲИСОБОТИ

15.1. Жамият қонун ҳужжатларида белгиланган тартибда бухгалтерия ҳисобини юритиши ва молиявий ҳисобот тақдим этиши шарт.

15.2. Жамиятда бухгалтерия ҳисобининг ташкил этилиши, ҳолати ва ишончлилиги, тегишли органларга ҳар йилги ҳисобот ва бошқа молиявий ҳисоботлар, шунингдек Жамиятнинг расмий веб-сайтида ва оммавий ахборот воситаларида акциядорларга, кредиторларга тақдим этиладиган Жамият фаолияти тўғрисидаги маълумотлар ўз вақтида тақдим этилиши учун жавобгарлик Жамият ижроия органининг зиммасида бўлади.

15.3. Жамиятнинг молиявий ҳисоботида кўрсатилган ва акциядорларнинг Умумий йиғилишига тақдим этиладиган молиявий ҳисоботдаги, бухгалтерия балансидаги, фойда ва зарарлар ҳисобварағидаги маълумотларнинг ишончлилиги мулкӣ манфаатлари жамият ёки унинг акциядорлари билан боғлиқ бўлмаган аудиторлик ташкилоти томонидан тасдиқланган бўлиши керак.

15.4. Жамиятнинг йиллик ҳисоботи акциядорларнинг йиллик Умумий йиғилиши ўтказиладиган санадан ўттиз кундан кечиктирмай жамиятнинг Кузатув Кенгаши томонидан дастлабки тасдиқдан ўтиши лозим.

16-МОДДА.

НИЗОЛАРНИ ҲАЛ ЭТИШ

16.1. Юридик шахслар ва жисмоний шахслар билан Жамият фаолияти бўйича барча низолар томонлар томонидан музокаралар йўли орқали ечилади. Акциядорлик Жамиятларининг ташкил этилиши, фаолияти, қайта ташкил этилиши ва тугатилиши, шунингдек акциядорларнинг ҳуқуқларини ҳимоя қилиш соҳасидаги низолар қонун ҳужжатларида белгиланган тартибда ҳал этилади.

17-МОДДА.

БОШҚА ҚОИДАЛАР

17.1. Мазкур Уставга киритилган барча ўзгартиш ва қўшимчалар Акциядорларнинг Умумий йиғилиши қарорига асосан ҳамда Кузатув Кенгаши ўз ваколатлари доирасида Ўзбекистон Республикаси тегишли давлат органлари орқали рўйхатга олинади.

17.2. Жамиятнинг Уставига киритилаётган ўзгартиш ва қўшимчалар ёки Жамиятнинг янги таҳрирдаги Устави давлат рўйхатидан ўтказилган пайтдан эътиборан учинчи шахслар учун қучга киради, амалдаги қонун ҳужжатларида белгиланган тақдирда давлат рўйхатидан ўтиш тўғрисида орган билдиришномаси олган пайтдан бошлаб қучга киради.

17.3. Мазкур Устав қоидаларидан бири ўз кучини йўқотган тақдирда, ушбу қоида бошқа қоидаларни тўхтатишга сабаб бўлмайди.

17.4. Агар Ўзбекистон Республикасининг амалдаги қонун ҳужжатларида мазкур Жамият Уставида белгиланган қоидалардан ташқари бошқа қоидалар белгиланган бўлса, унда Ўзбекистон Республикаси амалдаги қонун ҳужжатларидаги қоидалар қўлланилади.

Сирдарё *Камилжон Ибрагимов*

2015 йил январь ойининг ўн тўртинчи куни, Сирдарё тумани I-сон давлат нотариал илораси нотариуси ИИЯЗОВ ИЛХ, фуқаро КАМИЛОВ МУХТАРЖАМ МАХИРДЖАHOVНИЧининг имзоини ҳақиқийлигини тасдиқлайман.


Нотариус КАМИЛОВ МУХТАРЖАМ МАХИРДЖАHOVНИЧ мендан ҳуқуқимни тасдиқлаб, унинг шахсий шайқатини, муомаласи даёқатликлари текширилди яъни шахсий муқовот давомида унинг муомаласи даёқатликлари шуёҳа тасдиқланди, ушбу нотариал ҳаракатини амалга ошириш даврида нотариал идорада унинг муомаласи даёқатлиги эканлиги ҳақида ҳеч қандай маълумот йўқ.

Нотариус имзоини ҳақиқийлигини тасдиқлаб қол, Ўзбекистон Республикасининг "Нотариат тўғрисида"ги Қонунининг 67-моддасига асосан ҳужжатни байъи асосан фалсларни эмас, балки фалсл имзоларини муайян шахслар томонидан қўйилганлигини тасдиқлайди.

Ресестра *390* рақами билан қайд этилди.

2368 сум давлат бажарилиши.

Сирдарё тумани I-сон давлат
нотариал илораси нотариуси



ИИЯЗОВ ИЛХ

Жанов 17 йуни 2015
ишқарилди йил 2015 й. рақам 390
МУХТАРЖАМ
МАХИРДЖАHOVНИЧ
ИИЯЗОВ ИЛХ

